


# OMUKUETU

No 5.

MEI

1956.



NGENGE KAMU KUETE NGE  
ITAMU DULU OKULONGA SHA.  
Joh. 15:5.

Oitai itai dulu okuima sha ngenge kai li mefina momuti. Noshō jo omuti itau dulu okukala ua kola, u nomuenjo, u ete oimati ngenge inau tuala omidi dao moule uedu momeva. Omuene Jesus ta ti: „Nge kamu kuete nge nje itamu dulu okulonga sha.” Ofie ovakriste ofie oitai ei tai kala mu Kristus Jesus ngoitai momuvinju. Otu li mo meongalo la Jesus no mondjila ei jehupifo, tai taulula ombuua jounjuni ou notai jukilile oshipangelapundi shehupifo omu Jerusalem. Hebr. 10:19-25.

„Ndele omujuuki uange ota kala e nomuenjo omolu eitavelo.” Eitavelo olo oshinima osho sha hokiua ku Jesus. Omukriste nge e shi na ota dulu okumona omuenjo nelao laalushe. Ofie nge katu li mu Jesus momuvinju fje itatu dulu oku mu imikila oimati ei joujuuki. Oukriste uhe na Jesus kau nomuenjo, kau neitavelo, kau noujuuki no kau noujapuki; osheshi Kristus ou ha tula aishes omuenjo ke mo muuo, ou li po ua fia. Joh. 5:21. Ef. 2:4-10. Omuene Jesus a hala tu kale muje, tu kondje muje. tu ende muje, Osheshi oje ondjila joukriste noujelele uomuenjo nefina lehupifo nemanja lomuenjo. Joh. 9:5; 1:4,9; 1 Pet. 2:4. Nge katu li mu Kristus Jesus, fie itatu dulu okuenda ondjila jehupifo. Nde nge tu li muje nena hatu dulu okuimikila Tate Kalunga oimati joujuuki. Osheshi oje ta ti: „Nge tamu kala mu ame otamu imi shihapu.” Joh. 15:5. Kristus oje efina loujuuki aushe, noujuuki uaje ote u pe ovahoololua vaje na aveshe ovc ve neemuenjo tadi mu kongo Joh. 15:16; Room. 3:21-26.

Pamue na Kristus hatu dulu okufinda oulunde nomatimba na satana. Jak. 4:7. Mu Kristus hatu dulu okumona omuenjo nelao laalushe. Ehol. 14:13. Ehupifo nemangululo omu Jesus Kristus. Omukriste omukueta, ondjila jetu tu ji jukife shili mu Jesus, nena oje ote ji fikifa mefindano laalushe. Mat. 11:28,29. Eeŋgono da Jesus tadi tu hupifa momutenja uepangulo ne mekano laalushe. Room. 8: 1-2. Oukriste u li mu Jesus oua jela. Kau noufudime, neliningifo; kau nominalimbililo noihelele Osheshi Jesus muene te u pangele. Tu lijandje kuje tu kale muje no tu ende muje.

S. M. Haimbili.

Jakulacaneneni omitenge, osho ngeji no tamu guanica ompango ja Kristus.

Gal. 6:2.

AAMUAMEME NE, TU GALIKANENENI!

Oshilonga shaasitagongalo osho oshine ne noshidigu. Ojo aatumua peha lja Kristus mboka ja tumua okuuvicila aantu elaka lje-hanganico (2 Kor.5:19-21). Ojo ja tumua uo ja longekide aajapuki okulonga oshilonga shejakulo, okutunga olutu lua Kristus (Ef. 4:11-16).

Aasita ngele taa kuatua kuuheci noukuunje nokoomposi moshilonga shauo, nena oshiguana ashihe otashi shundukile muuhasa nomuulunde nomeso. Onkee aasita otaa pumbua okugalikanenua.

Ope naakriste ojendji mboka ja dimbulula omapuko gaasitagongalo jaandjauo notaje ga hokola. Ihe jangapi mboka haa galikanene aasitagongalo jaandjauo?

Omujapostoli Paulus okua tseja, omagalikaneno otaga citulula oocicija domajambeko. Onkee oje i indile ooitaali je mu galikanene. Aakriste joku Tessalonika okue ja njolele nokua ti: „Aamuameme ne, tu galikaneneni!” (2 Tess.3:1.)

Paulus okua hala je mu galikanene shike? Osho shika:-

“- ndi peue oohapu du uuka -” (Ef. 6:19.)

“- ndi uuvicice nomukumo -” (Ef. 6:20)

“- Kalunga e tu egululile oshelo shoo-hapu -” (Kol. 4:3)

“- oohapu dOmuua di tondoke no di simanekue -” (2 Tess. 3:1)

Ngele omujapostoli Paulus a pumbua okugalikanenua ngaaka, unene tuu aasitagongalo naalongihapu jongashingeji. Paulus ini inenepeka. Ando aalongihapu jongashingeji uo ja indile ooitaali je ja galikanene, ando omacimbo getalaleko ge tu aade. Oshoka mpoka ooitaali taa tameke okugalikanenacana, opo omapapuduko oge li popepi.

Omuleshi gu Omukueta! Galikanena aasita naauvicice jaandjeni! Ja indilila euudo lja Mbepo Mujapuki! Ja indilila ohoole! Ja indilila, opo ja peue oohapu dehupico!

Aamuameme ne, tu galikaneneni!

M.I.K.

Otse oshilonga she tua shitua mu Kristus Jesus, tu kale tu niilonga iiaunaua, Kalunga e ji longekida naale tu kale mujo.

Ef. 2:10.

RUHEPO ROIRERUA.

Mouzuni ou tuna kara ntantani ininke najinje jina runduruka unene, simpe jina iana nguendi nare. Mokutara komaruha nomaruha tatu mono valikandi va hana ehafo.

Valikandi tava diuoroka kumona nampili karuuo kamue, iko tava vuru kuhafa. Mokulikanda vana diuoroka vahompa vanare: Imarua, Kandjimi, Karupu na Muduni asi ngano va uize mouzuni uantantani.

Evu lina liteme, nokuhara si kugava naua mbuto morua vana li zatagura noku li zonagura ironde napenje, tali vere unkundi. Muheke tagu vuka morua evu kutupu nonkondo. Nongombe tadi pokomana nokupoma evu, uaji kutupu. Momazimo gado muna kukuta komuheke na injokati taji vuka mo Ado kutupu eharo kugava masini, jeji vantu vana di zumine maliro. Nongombe eji tadi zi komateva nombu kutupu, makura tadi zi kekundu nako si hena kutupu ua i ngapi nje? - Tadi gombo nongara eji tadi hetekere ku livonga asi: „kuetje, kuetje.” Ngano di kute uaji tadi li uojonga asi: „mbugunju mbugunju.” Zende kohambo o purakene nte ne dina kuta, ikudo taji zuvika „asi: fuu, fuu.” Nongombe eji dina kara nongara dina kara noundundi hena, marutu gado taga nuka udona na tadi zuru nonkupa odo tadi manesa mo honde makura ngombe tadi fu.

Mouzuni uo hompa ouo, tuna tumbura, nongombe dina gava masini gomanzi, morua eji dina mono uteku uouva. Ngombe jimue vana vuru kusika masini gazo, nje ntantani nongombe murongo nguendi ngombe zimue nare.

Nombare dina suauka hena kutupu efumano. Ado hena tadi vere nokupua mo. Nongone odo dina sikama po ntara tadi uoroma, tadi kugu nokulira, jeji tadi fu kononzimbi nomatemo. Nare nombare dina nete unene, na dina kuru nokuvuka, nje ntantani kutupu morua tava di dokora nonondandani dado, kapi tadi onene hena. Konjima zomvura 20 ualje asi, kupi tadi ka tunda nombare doikumba?

Irerua najinje taji diuoroka uteku uouva, ipo ji kare po nokuzukura vantu nombili. Nje ntantani joiinzi taji hunine sirongo ruhepo, eji ojo taji hepa. Diurokeni kurera najinje nonkenda morua sirongo.

Elia Neromba.



# OMUKUETU

Mei 1956.

## AAGUNDJUKA UUYAMBA UOSHI- GWANA.

Ongashika ukuti moshikaha shofule,  
osho wo aamati juugundjuka.  
Omunelago omulumentu ngoka e ya  
na yu udh' ombalukutu je!

Epsalmi 127.

Iiguana yimue oyi nuuyamba uua hole-  
ku a mevi lyayo molupe lwoshingoli nenge lwo-  
kawe. Iikwawo oyi na ngiika omapya tage yi  
etele uuyamba owindji. Ihe uuyambelela woshi-  
gwana kehe owo aantu yasho mboka ye li naua  
noye noonkondo okulonga iilonga yawo. Unene  
aagundjuka oyo uuyamba woshigwana

Oyendji oya kuminua iimaliwa sho yi  
indjipala miilongo yetu. Oya zi peni? Oya zi  
miilonga yaamati mboka ya ka kong'a iilonga  
kuushimbantu. Oyo tuu taa etele oshigwana  
shaandjawa uuyamba mbuka wiimaliwa.

Onkene tuu iimaliwa mbyoka kayi shi uuy-  
ambelela mbuka tatu u popi mpaka. Aagu-  
ndjuka yo yenyene oyo uuyamba woshigwana.  
Oye nuundjolowele womalutu, nuuyelele wo-  
ndunge, nehalo lya kola, nuulaadhi miilonga.  
Oyo inaa kanitha natango elalakano ewanawa  
lyokuadha kokule; onkee ohaa humu wo komehc.  
Omukumo gwawo inagu tika natango mc maye-  
leko gokukala kuomuntu. Uulenga wawo uune-  
ne owo uuyogoki womalutu nowoomwenyo.

Oshigwana oshi nelago, ngele shi na aagu-  
ndjuka aayogoki naanamikalalo, aalaadhi naa-  
nandjungu. Oshi nelago unene, ngele shi na a-  
gundjuka mboka haa tila Kalunga noyi tuuwa-  
nane oku mu longela omasiku gawo agehe. Oshi-  
gwana sha tya ngaa za kashi na mpoka tashi  
ka sithwa ohoni mokati kuigwana iikwawo. Ota-  
shi ka mona eyambeke olindji.

Onkee ano oshigwana kehe oshi nokutona-  
tela nawa aagundjuka jasho, Opo shaa jugwe  
uujamba washo. Oshoka shaa mpoka omikalalo  
daagundjuka tadi shunduka, nuuyogoki wawo  
tau kana, nehalo lyawo tali nkundipala, neita-  
lo lyawo tali dimi, opo mpoka oshigwana ashi-  
he osha adhika notashi ka adhika kuiponga iine-  
ne. Osha kanitha uuyamba washo.

Aagundjuka yonena oyo aakuluntu yoo-  
mvula tadi ya. Ngashi aagundjuka ye li po  
nena, osho oshigwana ashihe tashi ka kala ko-  
mbanda yoomvula 10 nenge 20.

Aagundjuka yomOwambo noyokOkavango!  
Kondjeleni uugundjuka weni, opo waa yonuke  
kusha. Diginineni uwanawa mboka mwe u pe-  
wa, opo mwaa yugwe nando okulye oshishani  
sheni. Lalakaneneni iinima mbyoka tayi tungu  
oshigwana, ne mu yande ashihe shoka tashi vu-  
lu okweta eshunduko. Pulakeneni nebuliko oma-  
kumagido gaakuluntu, oshoka oyo ya nongele  
iinima oyindji nomanga one inaamu walwa.  
Komeho gaayihe kongeni Kalunga, oshoka omu-  
ye omu noluthithiya lwomwenyo. Oye e noo-  
nkondo okugamena uugundjuka weni noku mu  
thikithila muukuluntu washili.

Kalunga na hambelwe, momagongalo  
getu sho mu na natango aagundjuka oonakuti-  
lakalunga. Oyo uuyamba wetu. Oyo omamanya  
ge nomuenyo metungo lyongerki yetu. Oyo ye  
shi kuinekelelua iilonga, unene oshilonga oshi-  
nene sheputudo lyomapipi tage ya. Oyo etega-  
meno lyetu, Kalunga ngele te ya gamene.

## EHANGANO LOVANJASHA.

Ngeenge hatu tale mounjuni, ohatu  
hange mo omahangano e lili noku lili. Ovanu  
vahapu otava mono ekuato komahangano  
avo. Hatu dulu hano okutja, ehanganano ke-  
she ola dikilua ekuafu loovene valo. Mte-  
la mOuambo omu na tuu omahan, a... a-  
ua oku tu kuafa?

Omahangano a tja ngaha omo e li ma-  
hapu nokuli, onge paife onda hala tu tale  
kanini ehanganano lovanjasha va Kristus.  
Momaongalo aeshe ohatu hange mo ojo-  
ngalele jeengudu dovanjasha ovakriste. Ojo-  
ngalele aishe ei ojo tuu ehanganano limue  
nlike lovanjasha, shaashi eciladilo lojoo-  
agalele ei imue aike. Cmu mOuambo  
mua fa mu he na naua omahangano maua  
taa uapalele omukriste omunjasha ngashi  
ojoongalele ei. Kashuude ovanjasha vahapu  
ihava mono ekuafu la uana noj. ongalele  
jauo, onge tava njengua oku ji diinina,  
shashi itava likola mo sha. Kashiimba ova-  
njasha ngoo vahapu hava diladila otava he-  
pifa efimbo lavo mokuorgala. Hnduja  
ndi ku talife ekuafu linene li li mojoonga-  
lele jovanjasha!

1 Oshilonga shoshongalele shovanjasha  
osho okuongeta ovanjasha ovakriste mou-  
kriste uavo, va ninge ongudu jovakriste ve  
shi okulinekelua, novadiinini vokriste. Tashi  
va putuda nūmbi eendjovo da Kalunga di  
nokulongifua mokukalamuenjo kucmukriste.  
Tashi deula ovanjasha va shive okukoko-  
lola eendjovo da Kalunga momutue, noku-  
hepaulula omahokololo maua opakriste.  
Tashi deula ovanjasha va shive okuiimba  
eendjimbo domingelengedjo diua momaui e  
lili noku lili.

2 Lutivali, osho okuongeta nokukee-  
lela eendafano lij lovamati noukadona. Va  
kale ovanjasha ovakoshoki keemuenjo da-  
vo.

3 Lutitatu, osho okukuafa ovanjasha  
moukoshoki uomalutu avo va shive oku-  
djala omidjalo da koshoka vo va diinine  
oukoshoki ua tja ngaha momaumbo avo.

Unene pefimbo eli l'putuko, oukoshoki  
uomomaumbo ova pumbiua neengono shili.  
Ovamati ava va mona eputuko liua kou-  
shimba nomeefikola jo, inava hala vali ou-  
kadona vambodo, shaashi otashi va hepeke  
neengono oku ke va tula mofikola jouko-  
shoki. Paife mojoongalele jimue jovanjasha  
ohamu kundafanua jo oukalinava uomoma-  
umbo, nande pepele dihapu kashiimba  
tashi njika oungundi ngee omuuliki inashi  
mu pashukila naua. Hano osho hatu mo-  
no nūmbi ehanganano eli la hala okukuafa  
ovanjasha mokujuka komesho mouua. Une-  
ne ovanjasha oukadona ovo ihava mono  
ekuafu palue va tale ngeno ehumokomesho  
eshi tali ende; tava pumbua shili okudiinina  
ehanganano eli.

Ame kombinga jange inai shiva ngee-  
nge mOuambo jetu omu na tuu ehanganano  
liua li dule eli, li dule jo ngeno okukuafa,  
tete omu nu muene neumbo laje, noshilo-  
ngo jo. Ovanjasha vangapi meongalo leni  
ve li mehanganano eli lovanjasha? Linjolifila  
mo divadiva, diinina jo. Oto ka mona nū-  
mbi to kuafua ku lo.

M. Kr.

Sho twa hala, oshifo shika shi kale oshi-  
fo shaagundjuka yetu, otatu shi ya tumine nei-  
ndilo ndika hali tumbulwa mongerki dhetu:  
„Kalunga, gamena aagundjuka yetu, ya kale  
aayogoki koomwenyo nokokukala kwawo.”

## AAMATI NEVI EHOOLIKE OUAMBO.

Evi ndika Ouambo Kalunga okue li tu  
pe uucigavi uetu naana jetu. Omuaa Kalu-  
nga okua diginine naale oshiguana shetu  
mevi ndika Ouambo lja taandela. Oje okua  
hala oku tu diginina mevi ndika olje tu hamba  
ta lja fa meme Ouambo ehoolike. Omuaa o-  
kuu hala tu kale naljo koshipala she nuu-  
diginini, tu li longe tse tu li keelele.

Oku li longela: Opu na aamati jo-  
mevi ndika je nomeho ga tonata naua taa  
dimbulula iinima mbjoka ji noshilonga no  
taji kuaca evi ljauro, nope na mboka je no-  
meho inaga dimbulula shoka shi nokulo-  
ngua shi kuace evi ljauro. Otatu tumbula  
mpaka tango oshilonga shaamati mboka taa  
humbata evi ndika Ouambo moomuenjo  
dauo no taa li longele.

a) Taa likola oondunge mooskola. Aa-  
mati je nomeho ga dimbulula iinima mbjoka  
ji noshilonga, oja dimbulula evi ndika  
otali pumbua okukongelua oondunge moos-  
kola, ojo noja ji mo mooskola. Omo je li  
taa di likola. Jamue ja piti mo nokuli otaa  
di longica koombinga noombinga dOuambo  
jetu. Elaka ljomujuuki guomEtestamenti  
Ekulu oja ti: "Omagoja ohaa dini oondunge  
neputudo."

b) kUushimba. Aamati ajehe konjala o-  
taa ji kiilonga kUushimba. Mboka je nome-  
ho ga tonata gokudimbulula iinima mbjoka  
ji noshilonga na nkoka uo otaa longele evi  
ljauro. Sho taa longele aahona aajamba, otaa  
mono po shoka taa tumine kevi ljauro; oma-  
jemele, oombete, iipululo n. sh. t. Jamue  
taa tumu oofarata, omashina gokuhondja,  
omatemba n. sh. t. Omacimbo gondjala taa  
tumu ooshako duusila uepungu nihehelico  
ji ili no ji ili. Kehe ecimbo oji ilongekidila  
okukuaca aantu jomevi ljauro.

Aamati mboka inaa dimbulula shoka  
shi nokulongua omoluevi ljauro no ngele ja  
dimbulula sha oji idimbike. Ojo tuu mbo-  
ka sho ja ji kUushimba taa longele aaho-  
na aajamba, ashihe shoka taa mono ota shi  
li po ashihe. Itaa diladila aakuauo kOua-  
mbo, itaa diladila evi ljauro, otaa vulu okuii-  
landa po ja ninge jomavi galue ja ninge  
jomiiguana jilue jaa shi jevi ljauro. Aamati  
ja tja ngeji ojo oja sa mo mOuambo ehoo-  
like noja sa mo momazimo gauo nando je  
nomuenjo.

Okulonga evi ljoljane (Oma-  
pja): Omeho gaanankondo juujuni oga taa-  
lela evi ljetu ga dimbulula oljo ejamba,  
uunene okulonga omapja. Evi ndika otali  
pumbua aamati aavalelua mo taa kuata e-  
temo taa longo omapja. Mbo ja longo paa-  
hona joofarama ja longice oondunge dija  
ja mono aahona mbejaka taa di longica  
momapja gauo. Oondunge dijaka aamati  
jetu je di likola moofarama odi li peni?  
Ecimbo lja cikana di longicue mevi ljetu.

Oluhepo otalu aada evi ljetu aamati  
sho itaa kuata ue omatemo, ngashi ando je  
noku shi ninga. Iilonga jomapja ngele taji  
ecelua miikaha jaakiintu naasamane, oshike  
tashi ka ningua komeho? Otu li po tatu  
kakama moomuenjo sho pua tokolua koshi-  
longo aanona aamati joomvula 15-17 ja zi-  
minue okuja kUushimba. Ecimbo ndjoka oljo  
ljokulongua noljokulikola oondunge domevi

# OSHIKOLOLO SHOMEGUMBO

## OMUPANGI TA HOKOLOLA.

*Aauambo aaholike!*

*Omu li po tuu? Omu li po tuu naua? Mua kola tuu? Aantu ojendji ja kuatua kuuru ngashingeji. Oja falua koshipangelo nokuli. Ojendji je nokukala monasaresa omasiku.*

*Ongoje ua pangua tuu monasaresa mo-uambo muka? Mokutala oshilonga shaahungi ua kumua ngiika. Oh, oshilonga oshidigu. Oonkondo dokujakula aavu jili no jili otadi zi peni?*

*Esiku limue onda taamba ombilive ombuanaua komupangi gumue omugundjuka, ngoka ta jakula moshipangelo shimue shokuuninginino. Oje okua njolele ndje: Ondi li naualela. Otandi njanjuku a unene miilonga jundje nando oji li po ojindji."*

*Sho nda lesa oohapu doka, onda kuatua kehala ljokuhokololela aauambo, oonkondo nehala nenjanju ljokulnga iilonga jejakulo ljaavu mpoka taji zi.*

Jesus okua laleke aalongua je nokua ti: "Indeni ano ka ningeni aantu ajehe aalongua jandje, noku ja shashela medina lja Tate na lj'Omuaana no lj'Ombepo Ondjapuki, noku ja longa okudiginina ajihe mbika, nde ji mu lombuele."

Mokulaleka aalongua je Jesus okue ja pe iinima ijali okudiginina: okushasha nokulonga.

Otashi ti: okujoga nomeja geshasho kiinima iikulu, nokuonga iipe.

Ndi shi omupagani ita shashua manga inaa tseja Jesus, manga inaa zimina a hala okuninga omulanduli gue, manga kee uvite ta pumbua ehupico ljomuenjo. Aue.

Ano, euuvico ndika okutsejicila omuntu ondjila jehupico, oljo li nekuatacano neshasho. Ihe "oku ja longa okudiginina ajihe mbika nde ji mu lombuele" ngashika Jesus a ti, okuo oshinima shi ili, euuvico oli ili. Elongo ndika oljo tuu okulonga aashashua okuenda muukriste, okudiginina oohapu da Jesus adihe e di lombuele aalongua je. Ihe ha oohapu de adike doka e di popi je muene nokana ke muene ihe iilonga je mbino je ji longo manga a li po te ende muujuni muka, oshoka oje okue tu pa oshiholelua nkene natse uo tu nokuenda nokulonga.

Aajuda oja li je na noshito iipango ja Kalunga, omuunsa uauo oja li je shi otaa diginine iipango, ihe nani hasho. Jesus okue ja njenjetele oluindji, ngashika tatu lesa mevangeli pa Mateus 15:5. "Ihe one ohamu ti: Ongoka ta ti ku 'he nenge ku jina: Ipaluca, nda li ndi noku ku palucica ando, ojo nda gandja omagano, oje kee nokusimaneka ohe nenge jina. Noshu ngeji mua kukica oohapu da Kalunga omolu omikalo deni omikulu."

Aajuda sho ja gojoka ngeji, aapagani oja kala no taa kala uo nena ano, momilema di cike peni?

Upagani kau li kokule ratse. Aapagani mboka itaa tseja shito iipango ja Kalunga. Otaa longo iihuna mokuguanica iidila jauo, mokusaagela nomokusimaneka iimenka jauo. Omuntu ota tila omukuauo, shoka ita tseja unake ta logua nenge una ta nuecua uzigo. Itandi pumbua okuhokolola shoka sha ningua muupakani, one amuhe mu u shi mu vule ndje.

Osho sha kala apehepehe makati kaapakani muujuni auhe sigo Kalunga okua tumu Omu ana gue nguk a ningi "uujelele okuminikila aapakani". Oje a ningi uujelele uaasoomi no uauambo uo. Eluuu lja tende. Omagongalo getu gaasoomi ngashika omagongalo gaauambo otaga kondoo, oshoka ecimbo ndika eunaji, omapukico ge li po ogendji.

Omammona, omukuanilua guujuni oti ilikolele aantu. Ojendji oje li po taa eca oku andula Jesus, ihe otaa ningi Omammona, Omuaa guauo. Ihe aareitaalo ja shili megongalo lj'Omuaa oti igandja ku Kalunga noje nehala limue alike ndika:

Omuaa guandje otandi ku kalele ngini?

Omukuanegongalo kehe oku neha okukalela Omuaa noku mu jakula, ha aalongi naasita ajeke. Eeno, megongalo lj'Omuaa omu na iilonga ijali: okuuvica nokujakula. Jesus muene okue tu pa oshiholelua mujo ajihe. Ngashika omuntu e noompadi mbali nenge ikaha ijali. Ngele ompadi jimue kaji po, omuntu te ende ngiini? Nenge ngele okugulu kumue otaku alukua, omuntu ite ende ue naua, ota tina. Nenge ngele oshikaha shimue kashi nominue, itashi uapa ue okukuaca oshikuauo miilonga.

Noshu tuu egongalo nando li na aauvici aanankondo naalongihapu aadiginini, naakuanegongalo uo nando taa tseja momutse oohapu da Kalunga, ihe eakulacano okujakula nohole kaji po (nokutja okujakula aavu naanaluhupo) egongalo lja foshilema, itai uapa okuhuma komeho. Aaue. Itali humu komeho muukriste, itali humu komeho mondjila jomegulu.

Egongalo ljatjangeji oli nedina lja fa li nomuenjo ihe lja sa ngashika omujengeli guegongalo ljomu Sarde okua njolelua kua tiua: "Iilonga joje ondi ji shi, u nedina ua fa u nomuenjo, no ua sa. Penduka u tonate, ngu koleke jalue mbejaka ja kala pokusa, oshoka iilonga joje inandi ji aada ja guana okoshipala sha Kalunga."

Ano, oshilonga shejakulo, oshilonga sha diakoni osha tameke unake megongalo lja Kalunga? Osha tameke pecimbo limue pamue noshilonga sheuvico.

Osha tamekua ku Jesus muene.

Jesus muene okua uvica evangeli nokua jakula. Okua jakula okuaaluda aavu, nokupaluca aanandjala, nokuninga okuume kaanona naakulupe naalunde. Aaposi naanuulepera oja mono ekuaco kuje, oombolo ja tameke okupopja. Jesus okua li e nohoole onene, Oje okue ja muujuni okuhupica omuenjo guomuntu, ihe olutu lomuntu lua shitua ku Kalunga inalu kala ku je oshinima shouala. Sho kua mono ongundu jaantu, okue ja uvitile ohenda sho kua mono ojo ja li ja hepekua no ja loloka ja foonzi daa nomusita. Oje okui itsike uunkundi uetu, nuuvu uetu okue u humbata. Mehambelondjimbo lja Maria otatu lesa: "Aasindjala okue ja kutica uuanaua."

Onaua ngele tatu dimbulukua nkene Jesus okua longo mevangeli pa Markus 1: 45. Otatu hokololelua omunuulepera okua silua ohenda ku Jesus. Oje okue mu gumu ko nokue mu aaluda noohapu de e ta ti: "Onda hala, jela!" Ano, Jesus okua jelica olutu luomuntu.

Esiku limue aaposi jaali oja gumua ku Jesus momeho, opo tuu mpoka oja tonata. Ano, uuposu uauo uokolutu ua aaludua.

Jesus a ti: "Ongame ond'uvitiie aantu mbaka ohenla. oshoka ojo ja menekele puagame omasiku gatatu, jo kaje na shoka itaa li, ihe ongame inandi hala oku ja laleka nondjala, jaa loloke mondjila. -- Aantu omajovi gatano ja palucua niiku'ja jomalutu, tango okue ja paluca niikulja jokomuenjo.

Jesus okua aaluda aavu no kehe tuu oshiponga. Omolu oluke: o lue ina eca nando gumuc moluhupo lue. - Esiku limue oje okue ena mondjila a tsakanekke omuselekadi ta lili oosa domuana. Jesus e mu uvitil' ohenda nokua ti kuje: "Ino lila." Nokua jumuda kuusi omumati. Omuselekadi a galulilua epona lje nomupaluci gue.

Okukala pomushigakano gue Jesus oku uvitil' olukeno jina nokue mu pe omukuaci. "Nokua lombuele omulongua: Tala, njoko! No kecimbo tuu ndjoka omulongua okue mu taamba maandjauo." - Osho noshu.

Mu mbino ajihe Jesus okue tu pa oshiholelua natse uo tu jakule, tu ninge aatalanteni. Ihe oshiholelua she otashi kolekua noohapu de dekumagido:

"Oshipango oshipe otandi shi mu pe, mu hoolacane, ngashi nda kala ndi mu boole, osho uane uo mu hoolacane." Joh. 13: 34.

"Landeni po eliko ljeni ne mu gandje iipeuahenda, ilikoleleni oompunda ihaadi kulupa, eliko ihaali hulu po, moka ihaamu hondjunine omufuci nocici ihaji jono." Luuk. 12: 33.

Luuk. 10: 25-37 otu na omusamaria omumamutimahenda. Omusamaria ngujaka okua hupica omuntu a jugua. Mehokololo ndika tua longua okukuaca mboka ja aadika koshiponga shokolutu, Jesus okua ti: "Nangoje uo inda u ka ninge ngaaka." Nokutja omuntu kehe na ninge omukueni, u mu hunge u mu kuace.

"Onke ano, shaa shoka mua hala aantu je mu ningile, osho ja ningileni uo; oshoka ompango nooprofeti odo doka." Matt. 7:12.

"Jesus nokui icana ku je aalongua je omulongo gumue na jaali, nokue ja pe epangelo ljokutida mo oombepo da njata no ljokuaaluda uuvu auhe noshigombo kehe. - Ombaka omulongo na jaali Jesus e ja tumu, nokue ja lombuele a ti: Ihe shaa mpoka tamu ende, mu ja lombuele mu tje: Oshilongo shegulu sha heda ko. Aaludeni aavu, jumudeni aasi, pangeni aanashilundu, tideni mo oompuiduli. One mua peua omagano, gandjeni uo omagano." Matt. 10:1,5, 7-8.

Jesus okua ji megulu. Aalongua oje li po ja peua oshipango she sha hugunina no ja tameke oku shi diginina. Ojo oju uvica no ja jakula no ja aaluda aavu. Otatu lesa miilonga jaajapostoli nkene oja longo. Oja aaluda aasilombanda niilema. Oja tida mo oombepo da njata. Oja kuaca ohepele. Aajapostoli oja kala je niilonga ojindji. Egongalo olji indjipala uo sigo ojo inaa vula okuguanica ajihe. Miilonga jaajapostoli montopolua 6 tatu lesa aajakuli taa hogololua. Aajapostoli oja ti: "Onkee, aamuame, hogololeni mokati keni aalumentu jahajali, je shi kuinekelua no juuda Ombepo Ondjapuki noondunge, ojo tatu ja Etsikilo kepannja ljuhuginina.

# Oshikololo shaagundjuka.

## OTANDI KA NINGA OMUSHIKE METUNGO LJOSHIGUANA SHETU?

Nokuli nuumatjona inaa ada natango oomvula 10 oye shi dimbulula nale kutja kape na nando omuntu gumue a shitua a kale guoualuala, aue.

Kehe okua shitua negamo ljoshilonga shongandi. Nokuli manga ckanona inaka ada comvula 5 a d diliki otaa vulu okudimbulula: Nga ka ota ka ninga omushikeshike oshicka e na naanaa egamo ndjoka.

Omushiti muene osho a lalakanene eopalo ljiiguana ndjoka kutja kehe omuntu i ilonge oondunge di ili, na nguijaka ti ilongo oonkuavo di ili, osho nosho, opo kouindji uaanandunge oko kouindji uoondunge nosho ngeji oshiguana tashi tungacana, tashi kuacacana, tashi longelacana. Naanaa ngashi iiljo molutu. Ndi shi eho ihali imonene ohali monene olutu aluhe, nokutsi ihaku iuvile ohaku pulakenene olutu aluhe, nenge okana ohaki ilile koke-ne, ihaka lile nani olutu aluhe? Osho tuu iikaha haji longele olutu aluhe. Oshiljo kehe ngele shi li naua no tashi diginine iilonga je shi uucilua komushiti, nena olutu aluhe olu nelago.

Omuntu kehe ngele a ciki moshilonga e shi shitilua nena oshiguana ashihe oshi nelago. Otandi ka ninga omushike metungo ljoshiguana shetu?

Ngele gulue a shitilua oshilonga shontumba eca a kale mu sho. Ngoje konga eha ljoje. Eshunduko ljiiguana oluindji olja zi mpoka sho orendji ja fumvike iitalenti jauo. Okutsi kua dini epulakeno nokue li eca e taku kambadala ku uape uo anua okumona ko ngashi eho. Okana nako uo itaka hala ue okumakuka, oki isiikile nomakende opo ka adime uo anua ngashi eho. Iikaha nomagulu nojo uo ja tindi okuinjenga, ja kambadala uo okukala eho. Nena kape na ue olutu, ondumba jiijelekelameho ajike jaa noshilonga ue, oshoka inaga ninga omeho lela shili, iioolele ajike. Ejonuko enene ljoshiguana oljo ndjoka iiljo joshiguana ngele taji zi melalakano ljomushiti guajo.

Mboka ja tseja Kalunga oshoopala shili sho haa uukilile ku Kalunga nepulo ndika: Otandi ka ninga omushike metungo ljoshiguana shetu? Eeno shili, omuhongi guujuma oje tuu a tseja naua ota hongo olujo nenge etiti nenge esingulilo nenge pamue ombiga.

Opo tu aade elalakano ljomushiti otatu pumbua okulungua moosikola. Epipi ljomimvo 7, 10 sigo 20 oljo naanaa ecimbo ljokuilongekida nokuikokica moondunge doshilonga nde shi shitilua. Na uunene ngoka a likola etilokalunga mecimbo lje ljuugundjuka oje a likola ekota ljuunongo auhe.

Epipi ljokuza pomimvo 20 sigo 30 oljo okudimbulula kaku na uupu moshilonga. Miilonga jetu omushiti ine tu uucila uupu. Ope na okukambadala muunjengui ouindji, moocina odindji, ihe mecimbo ljepipi ndjoka omo tatu dimbulula uo ondi nokukambala peha ljangje sigo tandi ada esindano.



## OSHILONGA SHOMAHAMBELELO-NDJIMBO MUUDIGU.

Momuenjo guandje omua li mui itungile ediladilo ndika: Aluhe oondjimbo dehambelelo otadi opalele mboka je nenjanju na doka degalikano nenge doluhodi otadi opalele aanaluhodi. Noluindji ngele tandi talele po omuntu e na uudigu uasha nenge e li moluhodi, otandi mu imbile oondjimbo doluhodi nenge doka tadi popi ekondjo, oshoka odi na ekuatacano necimbo moka e li mo. Ihe ngashingeji onda dimbulula kutja nani ha aluhe taku pumbiua okuimbila omuntu ngoka e li muudigu oondjimbo degalikano nenge doluhodi. Tatu vulu uo oku mu imbila oondjimbo dehambelelo, oshoka oondjimbo da tja ngaaka ohadi kuaca uo. Odo tadi jambula omuenjo guaa guile unene muudigu, ihe gu talele uudigu luopevi.

Momuenjo gumukriste omu na enjanju ljarahili ljuhupico. Nando e li muudigu, enjanju lilue lja kana po, enjanju ljuhupico li li muule uomuenjo gue. Pecimbo tuu ndjoka ljuudigu, oondjimbo dehambelelo otadi ji muule uomuenjo okuhada enjanju ndjoka nomuntu ta mono ngeji oonkondo domeni.

Nando oondjimbo ndjoka ja fa hai imbua aluhe, niitja ja fa ja igililua, otaji vulu okuninga ompelela nomuntu ta taamba oshitja kehe nehala alihe.

Shika nde shi didilike naua, oshoka ngame muene nda mono ekuaco moondjimbo doka dehambelelo pecimbo ljuudigu. Nondi inekela ope na jamue mboka taa vulu oku-kuacua kudo.

L. A.

Epipi ljoomovula 40, 50, no 60 oljo ljokutsakanica shoka nde shi shitilua.

Epipi ljo koomvula 70 no 80 oljokutegelela ashike elaka ljomushiti li tje: "Omumati ngoje ua kala omudiginini miishona otandi ku pe elelo ljojindji. Inda njenjanju ljomuaa guoje."

L. Auala

## OMUMATI OMUNANDUNGE.

Quantu, omumati gwokuAngola, okwa li ha longo pomuhona gwe omuputu. Esiku limwe okwa gwayeke omakuma gonadjugo yimwe, ga kale ga toka nawa. Okwa li ku nomvula; onkee omakuma inaga hala okukukuta nawa. Omuhona gwe okwe mu pula:

- Otatu ningi ngiini, omakuma ga kukute?

Omumati okwa yamukula:

- Ando tu sakale omulilo mondjugo, ando omakuma otaga kukuta mbala.

Omuuhona gwe okwa tameke oku mu yola nokwa ti:

- Omakuma ngaka omatokele itaga luudha nani, nge to sakala mo omulilo?

Omumati wo okwa dhimbulula a popi uusama nokwa mwena.

Konima yomasiku gamwe omuhona okwa ithana omumati nokwe mu lombwele:

- Ongula otatu mono aayenda. Ki ithane ano ookuume koye, opo mu ye nayo ongula, mu tu ulukile omatanto nuudhano weni.

Omumati ngoka okwa li po omukriste; onkee oye okwa limbililwa noonkondo omolwelombwelo ndyoka. Je muene okua li inaa hala ue okudhana uudhano uaapagani, ihe okua li a tila okutinda. Momwenyo gwe oye okwa galikana mbalambala, Omua Yesu e mu pe oondunge okuyamukula nawa. Konima yokathimbo oye okwa ti:

- Omuhona gwandje, ngame itandi vulu ndi ku ulukile uudhano mboka wa popi.

Otse nooyakwetu otwa ningi ngashingeyi aantu ya Yesu Kristus; onkee otwa etha omikalo dhetu dhonaale.

Omuhona okwa ti:

- Okudhana ongulohi yimwe itaku mu etele nando oshiponga.

Omumati okwe mu yamukula a ti:

- Omuhona, owa dhimbulukwa tuu natango shoka wa ti, sho nda li nda hala okusakala omulilo mondjugo ja kolongwa. Tala, omuwenyo gwandje wo ogwa yogwa ngashingeyi gwa yela, ngame inaandi hala ue oku gu luudhika ishewe.

Omuhona okwa kuminwa eyamukulo li cike mpoka nokwa ti:

- Yaloo, mumati gwandje, owa pe ndje eyamukulo lya tsa. Inda nombili ngu dhiginine aluhe omwenyo gwoye gu kale gwa yela.

Dorothy Walz.

ljetu Ouambo ehoolike. Akutu!

a) Aamati mboka je nomeho ga tonata taa kongo shoka tashi tungu, otaa ilongekidile omapja naua. Ota li ilongekidile pamue nohangojje. Sho ta hokana, pecimbo tuu ndjoka ota landa uo epja tali mu pula £. 24 nge kohi ja mbjoka nenge kombanda ja mbjoka. Omepja ndjo ota tungu mo egumbo. no ta longo omumvo tuu ngoka mo uambo pamue nomufuko gue. Epja ndjoka ota je li mana ko nomatemo oshoka otaa longo mokuihololelacana oonkondo dauo. Epja otali ja pe iilja naua. Jamue otaa tameke omagumbo noongombe dokujateka epja ndjoka. Omufuko ota dimbulula, nda mono omukuetu tatu kondjica naje oluhepo, onda hala okuhokua puje.

Aamati mboka taa shundula evi no taa ishundula ojojene otaa ningi ngeji: Ota hokana e ta landa epja £ 24 e ta tungu mo okagumbo ke nomufuko gue. Okua hokana momuedi tuu ngoka, guo oguo ta tungu okagumbo noguo taji kUusimba. Omukadonna omufuko omupe a cigilua epja oje auike ti. Ota vulu po shike? Omufuko ngoka ota longo ouala mpo ta ada, epja ite li mana ko. Ota teja mo oolata 5 nge 6. Omumati kUushimba a kuatua nomunoko iimaliua e ji futu po kepangelo. Sho ta galuka kUushimba ota pula omufuko gue: Oua mono mo shi cike peni mepja ljoje? Onda muene mo oolata 5,6 ihe nda li. Eeno shili oua ningile ngaa nekulu. Sho ua tala aantu otaa hokua okulanda shike? Osuuka oja halika oji ile paandja Nima mpo omua zi oolata 7. Ijoo onde ja nooshako mbali dosuuka. -Ooshako de ja megumbo aajenda taa ja okupopica omunamoonda taa tulilua po otee okoofi - ohaluka ooshako adihe da pu, omua zi oolata 3 adike.

Omumati sho a dimbulula ondjala oji li megumbo - Fadu, a shuna kUushimba. Epja nonuumvo itali longua. - Omuhona guomumati nguno a landa po oshihauto oshipe sha zi moenkondo domumati guegumbo tali shunduka kOuambo. "Aagoja ne sigo unake tamu kala muugoja ueni". Aamati mboka je li muugoja mboka ua hokolua mpaka ojo ojendji no taa shundula oshiguanashau e taa jambekica iiguana nomavagalua. Omua ta ti: „Ongame nde mu pe ehala ndika ljokukala mo, omevi ndika, nde li pa ookuku aluhe ndongo aluhe.“ Jer. 7.7. Omua okue li tu pe tu li longe. Epja ljoje ndija ue li landa iimaliua ojindji oja hepa oshoka ino li longo. Omapja ogendji ga li nale omatacapja oga jonukile miikaha jaaheci mba. Ha omapja ageke taga jonuuka, aaue. -

- Oondjokana uo. Diladila omumati ngo a tameke nuusama, ngo a hokana ngashingeji, ohango je je mu pula oshindji. Okua li e nokuiilongekidila iinima johango meulumo oshoka anua a uvu omumati omukuauo Nima a hokana nokua ji kUushimba. Oje uo okue shi ningi, okua hokana nokua kala ouala nomufuko gue iuike itatu - Fadu, a ji. Omufuko gue ine mu iigilila nande, megumbo ndjoka aakuluntu ine ja iigilila nande. Ta diladila: Oh, omo munda nokukala oomvula mbali ngu ndi ile kuje kee mo. Diladila momuenjo gue itamu jo-

## EDINA LJOJE OTALI TI NGIINI?

Ngele ope nomuntu ta lukua, aantu inaa hala a kale nedina eunaji, aue, oja hala a kale nedina euanaua. Edina euanaua olini, nedina eunaji olini?

Ongombe jandje „Nduude“ nenge „Ashilua“ otaji hololua kedina nkee ja tja koluaala luajo. Nge te luku okakambe kandje „Mueushana“ nena tali holola nkene okakambe nkoka ka tondoka iita ka hanagula iilongo.

Ihe edina ljoje otali ti ngiini ano? Aajuda oja luku ojana omadina taga holola shoka sha li po na shoka ja halela aana jauo. „Isaka“ - Ndamenjamu - oshoka Sara a jolele (1 Mos. 18:12) euvaneko lja Kalunga. „Esau“ - Thingontjepa - oshoka a li omutiligane. „Samuel“ - Nakuindilua Kalunga. Ihe ngoje ljoje otali ti ngiini?

Uugungu nenge Nuugungu otaga holola ojo aakuanambuju, ihe ljoje onashi-kuashike?

Tshikomba nenge Nekomba otaga holola kutja oja landula epaha, matsa edina ljoje olje? Iipinga nenge Mpingana otaga ti oja landula aantu kaa ko, ihe ngoje ol'ano?

Oku nomadina gonkumbo „Mupopje“ „Mualengokanja“ ihe edina ljoje olja shike?

Oku niilukadina: „Nakatse“ ke hol'iijendo tali holola ha uajele moohapu daantu. „Mutjacilu“ oshoka omueni, ihe ngoje ou na lini? Oku nomadina gokutanga „Nejema...“ „Shambo...“ ljoje oli li moludi luni?

„Gua Nakakolo na Nandimba, Nuusila ua nik'evi jina ta li!“ Aantu jokomeelo geni oje ku luku lje? „Kekango to et'omongua, kiita to et'oongombel“ Kiihua jeni aantu ohaa ti ongoje lje? Edina ua lukua kujo otali ti shike ano? Oui iluku lje ngoje muene? „Nambuando!“ pamue ua lukua edina inali opalela omukadonna gua Kalunga? „Shaamakuti!“ pamue ua icanua edina lja

nuuka tuu oshindji? Otamu jonuuka oshindji shi cike peni komalunduluko gombadilila ge cike mpo? Kee nelugo, okua cigua ouala kontala jomumati gue. Akutu, a hepa. Omumati sho ta galuka kUushimba momufuko gue omua jonuuka oshindji sha li shi nokukala mo ando. Omuedi gu uda oje nombili, omutijaali ohaluka taku uvika - Huiku! Oshike? Olunua kombanda jomufuko, anua ita vulika kuje, okue mu dina anua, n. sh. t. Ashihe shika osha valua mecimbo ljokucigua po huijaka. Ejonuuko ljoondjokana lja tameke. Aamati mboka taa hokana inaa diladila naua otaa ijetele uudigu no taa etele aafuko jauo uudigu ouindji. Omua okua ti: „Omulumentu e nokuciga po he na jina (omuhona uo) nokuiimangeleka komukiintu gue.“

Aamati aahoolike, evi ljetu ljaauambo otali tu tegelele tu li longe tse tu li keelele. Omagumbo getu opo ga kale nelago ndjoka Omua kue li tu ucile, tu igandjeleni aafuko jetu ondjambo ji nomuenjo.

Evi ljoje ehoolike otali tegelele shike kutseni atuhe, unene kaagundjuka aamati? Okukala kuoje naku ninge ejamukulo kepulo ndi.

E. Angula.

li maana ja Kalunga? Ndele mbushoje olje?

Oku nedina lja mana Tate Kalunga e li tu lukile oljo Kristus (Ef. 3:14-15) Mu ljo tse tatu hupicilua. (Iil. 4:12) oshoka oljOmuhupici (Mat. 1:21).

Oua lukilua ngaa edina ndika? Ou na ngaa ekuatacano naljo?

Mu Antiokia tua lukua edina ljo opala „aakriste“ (Iil. 11:26). Ngele ope na ngoka ta ti tse aapagani itatu shi panda, pamue ku ngoje „omukriste“ oshilukadina? Ou li tuu ngashi omukriste e nokukala?

Omuaa Jesus ota vulu okuopaleka edina ljoje.

J. Amakutuua.

## OSHILONGA SHETUMO OTASHI FANEKUA ISHEUE.

Omuvogu kOuambo okua ende okangundu kaafaneki jomafano gokino, ngashi tue shi hokolola uo moshifo shetu. Nuumvo otua mono omufaneki omukuauo a zi koSoomi nokua kala miilongo jetu iuike ojindji. Omujenda nguka Juhani Linkola oku nekuatacano lja kola nehanganotumo ljetu, oshoka aakuluntu je oja kala aatumua jevangeli koshilongo sha Kiina. Oko a valelua nokuli. Nkuka kOuambo oku nomumajina Anneli Linkola, omupangi guokuElim.

Juhani Linkola okue ende nokuli miilongo ajihe jOuambo sigo komulonga gua Kunene nokua faneke okukala kuaantu noshilonga shetumo koombinga adihe. Omafano nge nge taga ka ulukilua aasoomi, ojo otaa mono naanaa, nkene tu li po nkuka, oshoka omafano ngoka otagi injenge noje nomaluaala agehe, ngashi iinima jojene ji ga na. Oku popja kuaantu nomaimbilo nomai omakuauo oraga uvika uo kumboka taa tala omafano ngoka, ano ja fa je li naanaa mOuambo mo muene.

Pehulilo lja April omujenda guetu ta ka faneka uo oshituci shaakavango, sho taa gongala kuKuring-Kuru okuhambelela Kalunga omoluoshilonga shetumo ljevangelii, sho sha longua mokati kauo oomvula 30.

Etalelopo lja tja ngaaka ljomafano oli noshilonga oshindji kaasoomi mboka haatumu aatumua jevangeli kiilongo mbika. Okutala nava iinima ja nkuka okua guana okuhuamica natango ohoole jauo noku ja tsuulaadi okutsikila nuudiginini oshilonga shauo oshiuanaua.

Otatu pandula ajehe mboka ja kuaca omufaneki nguka moshilonga she.

## KALUNGA E HOLE OU TA JANDJE NEHAFO.

Eongalo lokOkatope tali pandula ekuafo la dja kovamati voku C. D. M. ovo va udafana okuningila eongalo lavo ongalo jeongalo (jetungululo) va tuma oimaliva £. 5. 5. 2. ja fika keongalo nokuli.

Jaloo! Kalunga e hole ou ta jandje nehafo. Ohatu pandula unene ovamati ava 44 no mongudu javo mu na ovamati 9 voko mao: ngalo e li li. Ovakuaita nje! Didilikeneshi „2 Kor 9: 6-15.“

Ohandi mu kundilepo nombili,  
Paulus Andreas.

## SHITLANGU.

omuna guokombanda

Lja njolua  
ku  
Andre de Clerc  
na  
Edoardo Mondlane

Lja lunduhulua  
ku  
Hosea Namupala,

Etsikilo.

Nganga sho a uuvu ehokololo ljetu okua hiki okamulua, ka icane omukuaci gue, omukiintu omugundjuka e li po mokandunda kamue, okue eta mo uushungu ujali ua tsininua nou na omapi goopala. Omukuaci nguka okua suukulula kamue, eta kuca mo okantsilu ka mangelua iinima jili nojiili je endjelela noja tulua omugaujo. Onganga okue ka zala komutse. Kokantsilu hoka oku na sha tashi tilica: oshipala shomagonja shonganga, osha kundukidua koonumba domazinjo da endjelela da mangelua kokantsilu. Ogo taga pupu shoka shi li po. Iihuna otaji longua ihe koongodi da tulua komapepe node endjelela du uka montulo, da mangelua omanjala goonime, omajego goondjambameja, oongonga diipa jomajoka njinima jilue jaa shi kupopiua. Shika onde shi tala naua mujelele uomulilo. Onda diladila ando ndi je ontuku momilema ongashi ehuiju. Aakulukadi oji imbi kashona. Onganga uo okua kuutumba ti izizima. Aniuu oti icana oombepo doojinakulu, aakulukadi ja tsikile okuimba. Ongame auike nda muena. Onda pilamena kujo nondi iceta omahodi. Oshoka, ondjimbo ndjika ngele taji opalele oombepo, (ano aacici), odi na okuja etadi kambula ndje po kashona.

Omukuaci gua Nganga okua heda ku ngame nokua kambula a hule ndje ando. Onda dimbua uunkundi uandje nonda nuka. Aankiintu mbano otaa tula ndje mbela omaako gauo, aauoo, ongame omumati. Onda kambadala okuhutuka mo momakua-takano omiinaji nga. Ihe meme a kuacua kaakiintu aakuauo noja cindi ndje pevi. Oja hula ndje iizalomua jandje noja cindi ndje pevi noonkondo.

O, ndele kandi zi mo uo ootuu miikaha mbika ihamano ja laminina ndje, nokonganga ndjino ja luuda nokeimbilo ndino euinaji. Onda pupjala, nda tula komazigude nonda kondjo ongashi omuntu ta janduka. Onganga oja tameke okulendenda, noja heda ku ngame, a kuca omushila guembungu nokue gu guajeke ndje. Omushila nguka ogua kueja oshipa shandje noku shi ehameka, noshikaha shimue nokua cimbile koombinga noombinga nomaulu ge, iihuna.

Oolumue noolumue nganga a kala he eca ndje po noku ka egulula osheelo, nokufudila ombepo ojindji nokana kue, omokugaluka ota papudula ndje nuunganga ue. Aakiintu mboka je li po otaje mu kuacele ngaa jo taa inananana. Omuudigu uandje

onda tokola ndi gandje edidiliko ljohole. Onda lengalenga ihe onda tsakanene ouala niipala ja cicikila. Aakulukadi oje na ngashingeji ecimbo ljokumuena. Oombepo daanenentu otadi longo ngashingeji molutu luandje aluhe. Aakiintu otaa tsikile ihe okuimba opo je di pendapaleke miilonga jado.

Mbalambala opua ningua sha: Nganga okua ganda eso, onokufudila ndje kombunda neulu lje. Eimbilo lja hula. Ajehe oja muena mondunda. Omulilo ouala tagu injengida omalaka gaguo notagu tsinine ondunda, nomakumbjaca ge tu siikila.

Onda kambadala isheue okuja ontuku. Iikaha mbjoka ihamano oje endelele okukuata omufadukipo ngame. Oja takamicile oocipa dajo kolutu luandje. Osho nda pupjala unene nonda kungu nokukungilila. Omukiintu omukuaci gua Nganga okua

engene ko. A kuata omuhona gue Nganga momaako, e mu jelula po nokue mu kookolola kombanda jandje nokue mu kuutumbike kokapundi kepeta ljomuti lja hongua naua. Oguo omutumba gaaakuluntu. Kombinga jandje nda mangululua mo moku-logua. Kandi na ue uudigu.

Mpaka nda kuatua isheue kepapuduko epe. Aakulukadi oja kondeka onganga omukuluntu aniuu oje e nokupopja. E na okuholola ngoka e eta uulodi. Onda tala kuku meholamo: nokuli oshipala she otashi zi omadidiliko genjanju.

Omukiintu omukuaci gua Nganga okua tameke okupula aacici. Omajamukulo gaa-cici oge na okuendela mu Nganga.

-Omua za peni ookuku?-

Inapa jamukulua.

-Omua za peni ookuku?-

Okukuaca aacici ja popje Ngangagona okua ti:

Ookuku agele omua pumbua omagandjelo, otatu ga eta nuupu isheue onenjanju. -

Opo mpoka aacici oja popi mokana ka Nganga:

-Inandi pumbua sha. Ondi shi shi omu shi ndje. - Ngangagona okua jamukula mbala: -Andola otua li tu ku shi ando itatu ku pijaganeke nomapulo getu. -

-Ando mua li mua tseja meme, andola inamu eca iikombo jeni ji lje po epja lje, - osho Nganga a jamukula nodino.

Ngashingeji ajihe oja jela. Otu shi shi tuua na malimbililo kutja olje a logo.

Memegona okua ti: - Omunona guetu okua logua. Kape na malimbililo. -

Meme okua tsikile nokua ti: - Itashi vulika a kale ando a logua ku gulue. -

Kombinga ja kuku okua eta ekudilo mondunda ta tuku omunepja (ngu nda li nda licile iilja). Ngangagona okue mu mueneke opo a pule naua aacici.

-Elalakano olini ua li u li na momunona nguno sho ue mu pe wuvu? -

-Onda li nda hala okuhulicica oondjenda de. -

-Ngashingeji sho ua monika oua hala shike? -

-Onda hala okatungua kiilja. - Nanzija okatungua kiilja oke etua po, iilja ja kucua moshigadi. Oje ji kuca mo mokatungua

noje ji tula moshikangua. Oonganga mboka jaali oje ji gundu pevi koluaanda noja tsoongolo pekota ljomugongo. Sho ja galukile mondunda, ejanekelo lja tsikile isheue. Nganga a tameke okufinjafinja kue neulu kolutu luandje nota cengacenga ndje nomushila guembungu.

Sho a didilike kutja onda jela, kutja Shitlangugona ke niue ue koombepo oombuinaji, okua kuutumba mbala kokapundi ke kepeta, a taandeleke iikaha je nokueca iijanekelico je ajihe. Ngangagona okue ji pungula mokankinda.

Eimbilo olja hulu. Nganga a ningi ngashi a kala shito. A lunduluka. Okua tameke okupopja a fa omuntu a li ta longo iilonga iinene. A fa omukongo te eta oombua de kegumbo. A cigi po oombepo doojinakulu. Ngashingeji oje te tu pula:

-Aakuetu itandi dimbulukua kutja oshike she mu eta mpaka. -

-Otui ile tu ku pule omolu omunonangu. -

-Okua li ta alukua? Ngashingeji ndi shi oku li naua. -

Meme okua pe ndje okafufe ndi lje ka jogole ndje noka longe ndje oku ka diginina iikombo jandje komeho.

Kaandjetu otua ka cikako natango uusiku. Nanzija otua lala nonda koca omposi jaa na 'adjodi inee penduka nando cigo omutenja. Oluiidi aluhe lua cigi ndje po, uehame uomutse ua piti.

Onda penduka nonda matuka ndi lengalenge iikombo jandje. . . . Onda galuka nonda shuna mombete noluhodi. Meme okue ja ku ngame:

-Vululukua Shitlangua. Majeriman okua ka lica ko kiikombo joje nena. -

Tadi tsikilua.

## OMPUNDA JIIMALIUA JA SHASHUA

Omulumentu gumue omuluude guoku-Afrika jokuuninginino okua li a hala okushashua, nokua li a cikama poshijaha shokushashela, ihe manga omusita ta jeluca oshikaha she e mu shashe, omulumentu okua ji ontuku. Mokuja ontuku kue oje okua igida ta lombuele omusita kutja oje ta ji manga kegumbo a ka tale ko oshinima shimue shoka sha li shi nokushashua uo pamue naje. Oje okua galuka e na - okampunda ke kiimaliua! Oje okua fatululile naua omusita e ta ti: „Eeno, haka oke na uo okushashua, oshoka okuza tuu nena ndjika ajihe mbika ndi na ojo oja Kalunga, na shoka shotango hasho nani ompunda jiimaliua jandje.“

Ngoje ou na uo tuu ompunda jiimaliua ja shashua? Kashi shi nani oshikumica ngele iimaliua ojindji tatu ji gandja ouala miinima jaa noshilonga nokomanjanju gaa nekuaco, manga aluhe pe noompumbue mokufala evangeli koomuenjo doka ihaadi hulu po. Omujapostoli Paulus mepistoli lje etijaali kaakorinto okua njola ta ti: “Kalunga e hoole ngoka ta gandja nenjanju.“

Uuna ndoka natse uo ompunda detu tadi shashua, otatu taamba esilohenda okuninga aagandji mboka taa gandja aluhe nenjanju, oshindji moshilonga shOmuua.

Elundululo.

1.

*Esku ndyoka kandi dhimbua,  
Yesus sho a mono ndje,  
ngame ngu nda kanene.  
Monka yoondjo sho nda kuthwa  
kOmwa komapepe ge  
nonda ningwa omuntu gwe.*

2.

*pOmwa Yesus uuwanawa  
tau tondokele ndje;  
lwindji nde u makele.  
Oondjo dha ndje odhe mu tsikwa,  
eti lya dho kali po,  
muuwa we nda falwa mo.*

3.

*Kandi na sha we niinima  
mbyoka tai hulu po,  
Yesus nge ogwandje wo  
MuYe ndi nenyanyu ndyoka  
tali vululukitha;  
galwe kaga kwatha sha.*

7.

*Okukondjitha uulunde  
kwatha ndje, Omukulili.  
Ninga ndje omusindani.  
Fala ndje kelago lyooye,  
opo ndi ka imbe wo  
ekandanga li li mpo.*

(S. V. K. 322. Omulundululi T. E. Tirroren)

## DIMBULUKUA.

Dimbulukua nokutja eulu oli na omesho avali okuminikila ounjuni, etango nohani, nokombada jedu oku nomapata avali, ola Jesus ekuajuuki nola satana ekualunde. Epata la Jesus oli shivike koujuuki ou hau longua mulo, nepata la satana oli shivike koulunde ou tau longua kulo.

Dimbulukua nokutja ounjuni ou na omesho avali, limue tali tu ulukile keumbo lomeulu, nalikua tali tu ulukile eumbo lounjuni. Eisho limue edina lalo ehupifo, likuao ekanifomuenjo.

Dimbulukua nokutja odula ihai lokele mumue nompepo, omunaemata iha kala pamue nomuitaveli, nomuhongauli ihava nangala pamue nomukumaidi. Omutenja noufiku ihadi kala pohungi imue, omujuuki nomulunde ihava tu moshini shimue, omuhupifua nomukanifua ihava udafana. Odula nompepo ngenge ja shakene, nena oshikuagulu; lungama opo.

Dimbulukua nokutja eendjovo domuhongololi odi na eengono komesho jomukumaidi, neendjovo domunaipupulu odi na eengono komesho joshili, Nge to hapuafifa omatimba omukueni, nena omatimba aje otae ke ku pangula. Omufu ou te li kongele oulunde, te u shili, ote liteele omuijo mondjila jaje muene.

Dimbulukua nokutja ope noinima ine

4.

*MuYe ndi neshigolela,  
muYe ndi nefudhitho  
luhe momamakelo.  
Nge nda puguma mondjila,  
sho inaandi tonata,  
ila, Yesus, yambula.*

5.

*Ye ta nyanyudha aalili,  
Ye ta yuukipalitha,  
omalongo ge ga ha.  
MuYe tu nuuyamba shili,  
Yesus tu yapula,  
aatsa te ya tekula.*

6.

*Yesus ye omusita gwandje,  
ngame nguka onzi ye,  
sho nda kulilwa kuYe  
Onde mu yuulukwa, ndi mu mo. se.  
Ye ta pakele ndje po,  
sho ndi li kuulalelo.*

## AATUMUA JA DIPAGUA KAAPAGANI.

Moshilongo sha Ecuador, muAmerika luokuumbugantu, aatumua jatano ja ka uuvicila aavaleluamo aapagani evangeli. Ojo oje ende nodila noja kana. Aantu mboka ja tumua oku ke ja konga, oja aada odila jauo ja jonuka. Popepi nodila opua lala gumue guomaatumua mboka a dipagua negonga. Oojakuauo jane sigo onena inaa monika, ihe najo uo ja fa ja dipagua kaapagani mbejaka.

## AAKATOLI TAA TIDHAGANA AAKWAEVANGELI.

Moshilongo sha Kolumbia muAmerika lyopokati aakriste aakwaevangeli oya monithwa iihuna kaakatoli mboka ye li mepangelo lyoshilongo shoka. Etumo ekwawangeli olya tamekwa ko omumvo 1850 nokuli nolya longwa nombili oomvula odindji sigo omumvo 1948. Omumvo ngoka epangelo lya lunduluka, nomatidhagano oga tameke ihe. Moomvula ndhika da hugunine aakriste 51 oya dhipagwa, oongerki 44 odha hanagulwa oongerki 30 dha monithilwa iiponga, nooskola 110 odha edhilwa.

Ihe ishewe opwa holoka, nkene ombinzi yaahokololambinzi oyo ombuto yongerki Moomvula 1948- 953 omwaalu gwaakwaevangeli ogwa tana noonkondo. Peha lya 60,000 oye li po ngashingeyi 100,000. Nokuli aakatoli yamu oya tameke okudhibulula, kutya oonkondo dhevangeli itadi vulu okusindwa komatidhagano.

mushiti oje e ku pa ehalo lokujoo'ola ouua nouui, na shi ua hala na shi ino hala. Omufu eshi la joolola ouua rouui, ngeenge ehalo lOmushiti: oli fike peni? Omushiti uetu oku na eendunge di dule eenjofi dokeulu.

Dimbulukua nokutja mounjuni efiku ue uja mo, olo efiku loluhodi pakulila pauhanona. Uoo ne, ounjuni eshi ue ku mona ua kuulila. Dimbulukua okaana ohaka tovfua komavele a ina noluhodi. Eshi tu li mounjuni, ohatu njamifua komavele ounjuni, navali nge tua tovfua kuuu, ohatu kala noluhodi.

Dimbulukua nokutja eshi sha njatekua koulunde meulu itashi mo. Omanjono e nokudimu po nohonde jOmukulili. Omo hatu dalu u ua, ha kolutu, omomepo jomomuenjo medimo lomatimba.

Dimbulukua nokutja okukondja taku dala oudinini. Oudiinini tau kolekua keliidimiko la hokua meteelelo. Eteelelo oli li melinekelokalunga, elinekelo omelijandjo. Ohaluka omufu ua fika kehupifo hano.

Dimbulukua nokutja etango itali piti oshima, otali uanifa eshi la tuminua. Oufiku otau ku tuala koufiku uefjo, nomutenja otau ku shilile komutenja uepangulo. Eshi tu tua kala momadimo oomeme, inatu kala mo fijo ovahungu. Eshi tumonona, inatu eendela keenaili. Eshi tu li molutu lohonde, itatu kala mo fijo fijo.

Dimbulukua nokutja efiku la hauhuuainua oto ka tokolifua omango joje muene. Oku na oshipango okoshipango, omukalo okomukalo, ohoole omohoole, efiloongenda omefiloongenda.

Elia Naangambe, Swakopmund.

## VULULUKUENI MANGA.

Omuua Jesus okua li ku nomukalo okuikalela megalikano kehe ongula (Mark.1:32.) Omukalo ngoka okue gu longo uo aalongua je, shokue ja lombuele: "Ile ni mu ki ikalele kokuma ku li ouala, ne mu vululukue kashona." (Mark.6:31.) Osho uo tse aakriste jongashingeji otua pumbua omacimbo geimueneneno poohapu da Kalunga nomegalikano. Oojene jomagumbo oje nokugongela uo aantu jauo ajehe moouandaha domomagumbo, opo ajehe ja mone esiku kehe onguta jauo jokomuenjo.

Aakriste ojendji oja ti, kaje shi kuringa ouandaha domomagumbo, sho kaje shi aauvici. Oja ti, ja pumbua omambo ngoka ge nomauvico omafupi ga guana omasiku agehe gomumvo gu uuda.

**NGASHINGEJI OTUA MONO EMBO LJOOUANDAHA DOMOMAGUMBO.** Oljo lja njolua komusitagongalo guokuNoorwee, edina lje Fredrik Wislöf. Pahapu doka da Jesus muMark. 6:31 oje okua luku embo lje "Vululukueni manga". Olja holoka naale momalaka ogendji. Moshisoomi olja leshua kaakriste ojendjijendji, oja noja mono mo ejambeko olindji. Onkee aahongi jetu oji iuuvanene oku li lundulula uo moshindonga. Oshilonga shoka osha tamekua komuhongi Heikki Saari nosha tsakanicua kumeme Savy Vilkuuna a kuacua komusitagongalo Leonard Auala. Ngashingeji olja holoka ihe.

**VULULUKUENI MANGA** oljo embo euanauelala, oshoka-

-oli ncm uuvico 365 omafupi ga tsa-

-oli nomapandja 256-

-oli nooteksti koombinga adihe mOmbimbeli-

-oli nomalongo ga jela gu uuvitike naua-

-otali pula 3s. 3d. ajike.

(KUushimba naku guedelue 3d. omoluoposa)

**VULULUKUENI MANGA** olja pumbua kaakriste ajehe, oshoka-

-otali vulu okuileshelua muuika-

-oljo copalelela okuninga ouandaha momagumbo-

-oljo oopalele uo ooskola niigongi jaagundjuka-

-otali kuaca naua aamati jokuUushimba.

**ENDELELENI ANO OKUIMONENA EMBO NDIKA LJA TEGELELUA.**

### EPUKULULO.

Pulakeneni naua, one mboka hamu njolele oombapila deni du uka kUushimba. Ino njola ombapila joje manga ino mona ositamba.

Ojo kaji na okupita manga inapu tula ko ositamba.

Na mboka hamu tula ko ositamba ja Suid-Afrika, oombapila deni itadi piti. Oshoka oositombe doka ihadi longicua okuza kOvamboland.

Ano tula ko ositamba.

Hosea E. Matheus.

### OMUPANGI . . . . .

tula mo.hilonga shika (shejakulo). Ihe otse tua hala okukala megalikano no miilonga joohapu."

Nosho sha ningua uo. Aadiakoni jahejali oja hogololua. Nena iilonga mbino ijali ja gandjua megongalo. Aajapostoli oja kala meuvico, aadiakoni oja peua ejakulo lje-kujakula oohepele. Pokuza pecimbo ndijaka opua kala ano ngaaka. Ngashika nda ti petameko: likaha ijali noompadi mbali. Omujapostoli Jakob ota tula naua kumue iilonga mbika ijali sho ta popi ekuatacano neitaalo niilonga. Jakob. 2:14-18,26. Eitaalo ndi shi otali zi mokupulakena koohapu da Kalunga, ano keuvico.

Tadi tsikilua.

### UUVU UOMUNINO.

Ouambo oja adika kuuvu uudigu uomunino momuedi gua Maart. Oua tameke kUukuanjama noui itaandele uo mbala kUukuambi. Oua dipaga uo aantu ojendji. Cmoluuvu mbuka uomukuau epangelo olja edile ooskola adihe kUukuanjama nokUukuambi okuza kefudo ljopassa. Iigongi uo ajihe oji indikua. Pomaha gamue nomalengelokalunga inaga ziminua.

Oondoktora oja koneke kutja uuvu mbuka otau taandelicua noonkondo komahini inaga fulukicua. Onke otaa kumagida aantu ajehe ja fulukice omahini agehe, manga inaga longicua.

Epangelo ljetu otali kambadala uo okuuenda aantu, opo jaa kuatiue kuuvu mbuka. Okuuendua nkuka oku nokuningua luaali nokuli, pokati pu pite iuuike jimue.

Kalunga ne tu kuace, uuvu mbuka u pue mbala miilongo jetu.

### EKONGO.

Pamue pu na ngoka ua mono ongombe onduumentu onduude, ontsezi, oja kana mu Oktober 55. Ji li po ji na oshijala moshauo oshitokele, ja njanjua kokutsi kuokoluljo. Ngoka ue ji mono, kuaca ndje u ji njole mOmukuetu, nenge u ji lombuele omesita guegongalo ljeni.

Pinehas Andreas  
Oniipa Onampadi.

## KAVE UETIKE!

1. Priskilla ja Petrus omona ua Petrus Jakob Tujoleni na Lina Josef Tujoleni, okua kana mu Oktober omudo 1953. Okua kongua ngashi ovakongi tava dulu ngeno, ndele fijo onena ke uetike. Paife a ninga omido 2 1/2. Apa pe na jo oudju uofuka.

2. Gabriel ja Samuel omona ua Samuel Jakob Hamukoto na Rebekka Abraham Kandjibi, okua kana efiku eti 5 la Februari 1956. A kongua ndele fijo onena ke uetike.

Aveshe ava vavali ovo mokamanja ka Samuel ja Jakob, okudja momaumbo ondji-la javo imue aike. Ova juka koushilo, neemadi davo ohadi ka kanena mekango la Ngalangobe.

Ovaleshi ovakuetu vomOmukuetu keembinga neembinga, pamue pe na ou a too-la okaana okamati ile okakadona?

Vatatu va li va kana jo neudo ndele va monika. Ava vavali kave uetike.

Josua Hanjango  
omsitagongalo mu Kongo.



### mEeñana:

Filipus Hatuikulipi a si 6. 12. '55.

Simon Shiueda a si 14. 12. '55.

Padelia Petrus a si 15. 1. '56.

Selma Abraham a si 12. 3. '56.

Paulus Haufiku a si 9. 3. '56.

### mOniipa:

Martta Andreas a si 7. 2. '56.

Abed ja Leevi a si 15. 2. '56.

Asser Nakale ka Abjatar a si 14. 2. '56.

Albertina lua Fridricha a si 18. 2. '56.

Andreas ja Jason a si 9. 3. '56.

Matias ga Shivute a si 9. 4. '56.

Hileni ja Johannes a si 10. 4. '56.

### mUukolonkadi:

David Johannes a si 17. 1. '56.

Nabot Aluto a si 30. 1. '56.

Liisa Simon a si 31. 1. '56.

### mOdobe:

Joshefata Vilho a si 11. 2. '55.

Simon Aron a si 13. 2. '55.

Simon Josef a si 27. 4. '55.

Julius Abraham a si 21. 5. '55.

Rut Heita a si 10. 6. '55.

Sakaria Hanjango a si 2. 7. '55.

Petrus Ndemutela a si 8. 8. '55.

Ester Kumonika a si 17. 9. '55.

Serafina Silipipo a si 6. 9. '55.

Julia Hamunjala a si 2. 10. '55.

Elia Lukas a si 4. 11. '55.

Titus Kefas a si 9. 10. '55.

Maria Mueujukila a si 26. 11. '55.

Jakop Sakiata a si 1. 12. '55.

Amenenge Petrus a si 23. 11. '55.

Abed Tujeik Jakob a si 5. 12. '55.